

牧齋初學集

牧齋初學集卷第十四

試拈詩集

起戊寅八月盡一年

中秋夜餞馮爾賡使君於城西方閣老園
池感懷敘別賦詩八章時德州盧德水東
萊崔道母及馮五十躋仲俱集

置酒坐廣除白月桂我前纖雲解翳駁萬象吐
澄鮮月駕何方來先炤雙闕巔稍破閣道暗復
向天街圓飛光城南隅亦是尺五天可憐大圓
鏡移置小林泉明童泛玉卮素魄流朱顏嘆息
月中桂芬芳彌歲年

其二

年歲何促迫涼風鳴葛衣分張一尊酒共攬明月
暉君如高林隼刷羽秋怒飛我如繞樹鵲三匝
晞南枝舉酒向街北天狼角差差熒惑仍在
廟卷舌光未衰盈觴不成醉悵然生酒悲崔生
獨不飲印首看少微

其三

少微猶微茫尾箕正動杙漢殿方延登唐麻敢
擗裂盧携終絕吭張濬空掉舌玄菟貢仍至盧
龍賣未徹築宮種蒲萄橈酒契金屑寄嵐一亭

障何必煩俊傑馮以邊才推奇嵐道未允歛容向手版開顏
笑旌節蕭蕭幽易地風勁植素髮誰知千黃金
不直一馬骨中坐慘不歡俯仰危涕雪

其四

雪涕亦何爲念我建繫時逝將解符節徒跣偕
我馳傾身爲朋友何況君與師在三節不敦相
鼠嗟有皮皎皎風烈人千古留須眉斬見魯衛
士忍與逆豹私此義久不陳微君誰與規魯連
已蹈海平原徒繡絲君過丑父泉爲我重嗟咨

其五

客嗟思古人，今有盧德水。逆我檻車中，開門納行李。
漢吏捕亡命，秦相搜客子。洶洶蹤跡及，盧生若瑱耳。
却笑北海家，闔門浪爭死。杜亭三閒屋，軒車行至止。
或有磊落人，定交複壁裏。

其六

杜亭主人出居停，有兩公

德水祠少陵及杜十郎顏曰杜亭

一

爲浣花叟，一爲陽翟翁。十郎不出戶，臥陰楊柳風。
杜二長羈旅，屋茅卷三重。人生非鹿麋，安得骨角同。
指爪旋滅沒，有如踏雪鴻。巫陽誰筮與，詹尹何去從。
且醉平原酒，豁達開心胸。

其七

心胸正鬱陶別君更忡忡君爲希有鳥我如失

負蛩君有一介弟海內稱小馮

都諱元

君家五十

郎卓犖比敬通一家自師友咳唾生仁風我衰

困無徒子于坎陷中有心各如面昌衛非窮途

假面難笑啼借足不從容逝將歸故鄉獨身老

蒿蓬衡門塞兩版保此一畝宮

其八

一畝良易保四海將何如清夜不能寐執手臨

前除

天王本聖明臣工自睢于鳴集皆鴻鴈

暇豫誰鳥鳥君行登岱宗吊古訪蒲車旗星大
如瓜東井第安居東萊海甸甸將無見巨魚鹽
筴厯宵旰天下供軍儲試看次公論何似仲父
書馮赴山東
鹽運判官我聞靈臺占德星出危虛賦詩代
出祖一笑慰首塗

白溝河題張于度屋壁

于度名果中新城人明經篤行左魏

諸公急徵
皆主其家

門外喧喧要路津荻簾土銼淨無塵夕陽亭下
頻留客廣柳車中每貯人北寺生還餘我在南
冠死別累君頻臨岐苦語真難忘鄭重車中七

尺身

戊寅九月初三日奉謁少師高陽公於里第感舊述懷卽席賦詩八章

忽漫樞衣拜此堂心期如夢淚千行更闌尚說
三條燭坐久真慙數仞墻孔思周情新著作禹
糧堯韭舊耕桑明燈促席親函丈秋拆沈沈夜
未央

其二

再鎮危關鎖鑰長一歸奴寇總猖狂心因憂國
渾如醉髻爲論兵半有霜椽筆携將分子姓華

刀留取壓文章入郊先問躬耕地簡較秋原幾
樹桑

其三

倉皇出鎮便門東軍騎橫穿萬虜中拊手關河
歸舊服側身天地荷成功朝家議論三遺矢社
稷安危一畝宮聞道邊廷饒魏絳早懸金石賞
和戎

時武陵及遼撫方議款
奴公酒間拍案歎息

其四

廉櫬卽可當儲胥鈴索長疑畏簡書聽事祗堪
容旋馬講堂猶自見銜魚能文裴度差相似健

飯張良正不如比較溫公還省事更無僮馬出門閤

其五

劒眉山鼻戟如鬚生面麒麟可卽圖渭水師臣
爲後輩金城老將作前驅埽清君側誠難事拔
伏遼陽豈廟謨當享何煩三嘆所秋風吾已穩
蓀蘆

其六

一從凌水罷兵還三輔三韓戰血殷種落盡收
沙漠部穹廬直抵賀蘭山紛紛嫚語金繒外往

往殘胡障燧閒一綫白溝如帶水煩公臥鎮草

橋關

草橋關在高陽宋之三關也

其七

魁三氣象久迷離隱隱寒芒屬尾箕戴斗一星
兼將相朝天數語動華夷滄桑朝市論新局烽
火邊關覆舊棋燈炮漏殘吾欲別河閒早已拂
叅旗

其八

高河水急朔風鳴再拜無言別淚盈海內公今
雙白鬚田閒我亦一蒼生詞林粥飯荒冰署沙

路延登亂火城卅載師門何所效謹傳衣鉢事
歸耕

王師二首

捷書嘗若此振旅竟如何盜賊能逃死王師
欲止戈彎弓蒲矢在棄甲兇皮多信宿休皇處
吾君候凱歌

其二

老弱猶鵝陳瘡痍自蝘行却看沙草色疑是戰
塵生雇募朝充伍扶携夜扎營歸來見天子
身是內家兵

九月九日過德州不及登東壁樓於城西
旅店拾紙作詩屬魯瞻留題樓上四首

苦憶東樓上高天在上頭風雷殊不作日月迴
堪愁芳草迷吳會浮雲辯帝州莫令千載後
題作望京樓

其二

苦憶東樓上初飛夏日霜一身容縲紲百口累
刊章複壁蟲絲暗危簷雀語長單車今又過未
死重沾裳

其三

苦憶東樓上盧家送酒來偶拈詩一首暫撥悶
千迴幕鷺愁相語簷花笑不開至今秋夢裡昔
昔與徘徊

其四

苦憶東樓上驅車點筆時魚知釜已熟猿見檻
猶疑敢礙登樓賦聊當絕命辭多君憐芥壁還
與續殘碑

德州城西贈別謝太宰

禾黍秋風古廟旁驅車出餞意何長蒼生自不
忘安石白首誰能論少陽

太白論錢少陽詩云
惟有一翁錢少陽

袖裏討論還啓事，尊前談笑亦封章。時危道遠應相望，記取臨岐兩鬢霜。

汶上道中逢故人

衰林匹馬尚天涯，寂寞山城菊自花。逐客已非周太史，故人猶是魯朱家。心如老鶻迎秋晚，身似賓鴻傍日斜。悽愴朱梁舊祠墓，汶陽田北看歸鴉。

曲阜道中二首

霜林蕭瑟敝車來，宗國蒼茫正可哀。泗水秋風沉漢鼎，魯丘落日起秦灰。憂時慮與巢烏切，去

國心隨候鴈回惆悵闕宮偏泯滅郊原牧馬總
礎隤

其二

百里平鄉氣鬱葱奎婁近直素王宮人家紅柿
茅茨外野店黃花灌莽中日落郊垌瞻魯道霜
清場圃繪幽風齋心午夜渾忘寢肅穆寒燈一
穗紅

崇禎十一年九月十五日謁

孔林越翼日謁

先聖廟恭述一百韻

魯甸千年國尼丘萬代師廟堂周制備秩祀漢

官爲林殿遙相竝宮牆儼在斯乾川三代後日

月大明時舊里標歸德新宮叶會期東家雜記云孔廟西

南二百步魯城有門曰歸德世傳四方諸侯慕先聖之德而至多從此門入駿奔如

有事仰止遂吾私歷歷奎婁埜行行濟汶涯天

門開泰岱地脉導淄濰誕睿星精降襄公二十二年冬十

月庚子日先聖生是日有二龍繞室五老降庭五老者五星之精徵符斗玉垂

孔子修春秋孝經齋戒而北斗而拜告備于天有赤虹自上而下化爲黃玉有刻文孔子卒以

所受黃玉葬焉佳城象緯合玄宅鬼神治丘壟

猶堂斧封塋竝鯉思室廬餘結構子貢廬冢室今尚在漢光